



Nou kapab pwoteje tèt nou ak lòt moun pandan n ap itilize mask ak mask pwoteksyon pou ede prevwa pwopagasyon maladi moun kapab pran tankou grip, COVID-19 ak lòt maladi. Fich enfòmasyon sa bay yon referans rapid sou mask ak mask pwoteksyon yo, li prezante pi bon fason pou itilize yo ak enfòmasyon enpòtan pou konsidere pou konnen kilè pou itilize yo.

Kalite mask oswa mask pwoteksyon


Lè w ap chwazi pwoteksyon respirasyon, ou ta dwe chwazi pwoteksyon ki pi byen adapte ak nivo risk ou a. Ou ka bezwen konsidere pri ak aktivite a, men priorite a se pou kenbe tèt ou pwoteje toutotan ou bezwen pwoteksyon.

Sonje: Li pi bon pou mete nenpòt mask pase ou pa mete okenn mask! Epitou nan kèk ka, travay ou a ka egzije w pou itilize yon sèten kalite mask oswa mask pwoteksyon.



Mask ou dwe jete apre yo fin sèvi yo	Mask ki fèt ak twal	Mask medikal	Mask pwoteksyon (NIOSH ki pa sètifye)	Mask pwoteksyon (NIOSH ki sètifye)
Objektif: Limite pwopagasyon viris la. Kapasite pou filtre ki limite. Pa gen kontwòl nan fabrikasyon an. Ou jete l apre ou itilize 1 fwa.	Objektif: Limite pwopagasyon viris la. Kapasite pou filtre ki limite. Pa gen kontwòl nan fabrikasyon an. Ou kapab itilize l ankò sof si li kase oswa sal.	Objektif: Limite pwopagasyon viris la. Kapasite pou filtre ki mwayen. Fabrikasyon ki baze sou estanda ASTM. Egzanp: Mask pou chiriji. Ou jete l apre ou itilize 1 fwa.	Objektif: Pwoteje moun ki mete l la. Li gen yon gwo kapasite pou filtre. Fabrikasyon ki baze sou lòt estanda jiridiksyon yo. Egzanp: KN95 ou kapab jete. Li posib pou itilize l pandan plis tan.	Objektif: Pwoteje moun ki mete l la. Li gen yon gwo kapasite pou filtre. Fabrikasyon ki baze sou estanda NIOSH. Egzanp: N95 ou kapab jete. Li posib pou itilize l pandan plis tan.

PATI NAN MASK PWOTEKSYON AK MASK LA



Tout mask pwoteksyon ak mask yo dwe gen yon bann elastik ki kapab ajiste, oswa yon bann ki kapab ajiste ak yon pens pou nen ki kapab ajiste. Gen kèk mask pwoteksyon ki ka gen espas pou van soti.

Epitou, mask pwoteksyon yo gen enfòmasyon règlemanntè sou devan ki gen ladan l nimewo ki endike efikasite (N95, N99, N100, R95, R99, R100, P95, P99, P100), lòt nimewo, nimewo ki apwouve (ki kòmanse avèk lèt TC) ak lèt "NIOSH".

Lè espas travay ou egzije w pou itilize yon mask pwoteksyon, ou dwe fikse l. Men ou kapab toujou itilize yon mask pwoteksyon san ou pa fikse l.



Fason pou itilize mask la


Fason pou itilize mask la divize an senk (5) etap:
enspeksyon, mete l, itilize, retire l ak estokaj.



1 Enspekte mask ou a epi verifiye li pa gen twou, li pa detire oswa li pa sal.



2 Lave men ou avèk savon ak dlo pandan 20 segonn. Kenbe mask la nan bann yo epi mete l sou nen w ak bouch ou.



3 Toujou kenbe mask la sou nen w ak bouch ou. Evite manyen l epi retire l nèt lè w ap manje oswa bwè.




4 Lave men ou avèk savon ak dlo pandan 20 segonn. Kenbe mask la nan bann nan epi retire l.



5 Ou dwe jete mask ou dwe itilize yon sèl fwa. Ou dwe lave mask ki fèt avèk twal avèk savon ak dlo epi seche l. Ou kapab sèvi ankò ak mask pwoteksyon yo pandan w ap mete l nan yon sa k papye ak pandan w ap chanje l avèk lòt yo.

Kilè li san danje pou sispann itilize mask pwoteksyon an?

Nou fè anpil pwogrè depi lè COVID-19 la kòmanse a. Vaksen yo se pi bon sous pwoteksyon. Men mask yo ak mask pwoteksyon yo toujou nesèsè nan plizyè sitiyasyon pou pwoteje w ak lòt moun yo. Lè nou evalye risk ekspozisyon nou an li kapab ede nou deside pou itilize yon mask oswa yon mask pwoteksyon. Chema anba a montre kèk bagay ou dwe reflechi lè w ap chwazi ki kalite mask oswa mask pwoteksyon pou itilize si ou vaksine nèt.



BLE

Mask ou dwe jete apre yo fin sèvi yo Mask ki fèt ak twal

JÒN

Mask ki fèt ak twal, chirijikal, mask pwoteksyon (opsyonèl)

WOUJ

Mask pwoteksyon (rekòmande)